



Arheološko turistički park Ravne 2


Fondacija „Arheološki park: Bosanska piramida Sunca“

Visoko, Bosna i Hercegovina





„Arheološko turistički park Ravne 2“ se prostire na površini od 55.000 kv.m. i nalazi se u Visokom, Dolini bosanskih piramida, u malom gradu u srcu Bosne i Hercegovine. Osnovan je 2016. godine time što je dr. Semir Osmanagić kupio 15 privatnih parcela, koje je spojio u jednu veliku površinu, te sa svojim timom započeo uređenje parka. Taj zadatak nije bio jednostavan, obzirom da se na toj površini nalazilo 7 divljih deponija, mnogo divljeg rastinja, jako mnogo močvarnih površina. Nakon što je voda drenirana, biljke i trava zasađene, deponije uklonjene, zemljište uređeno, sadržaji i instalacije postavljene –Visoko je dobilo predivan park, koji je dr. Osmanagić poklonio Fondaciji „Arheološki park: Bosanska piramida Sunca“ na redovno održavanje i uređivanje. Vijeće Općine Visoko je 2017. proglasilo park ‘Ravne 2’ parkom od općinskog značaja. Fondacija održava park na najvišem svjetskom nivou u pogledu čistoće, sigurnosti i sadržaja. Članica je svjetskog udruženja zabavnih parkova – IAAPA. Ulaz u park je besplatan, kao i parking, korištenje svih sadržaja i instalacija.



U međuvremenu se u parku nalaze brojne instalacije. Tu su, između ostalog:

- * Megalitne spirale
- * Labirinti energije i ljubavi
- * Spiralna botanička bašta
- * Rekreativne staze
- * Dječja igrališta
- * Multimedijalna dvorana
- * Kristalna zelena piramida
- * Bine za jogu i meditaciju
- * Koncertna bina s prirodnim amfiteatrom
- * Ružino trostruko srce
- * Aleja organskih voćki
- * Brojne dendrološke ukrasne vrste biljaka
- * Cvjetnjaci s različitim biljem
- * Edukativni sadržaji za djecu

Donatori ovih instalacija su prijatelji Fondacije iz Slovenije, SAD, Njemačke, Austrije, Češke, Velike Britanije, Kuvajta, Hrvatske, Nizozemske i Australije.

Posjeta turista

Park Ravne 2 je postao mjesto za centralno okupljanje stanovništva iz Visokog, kao i okolnih gradova, koji na dnevnoj bazi sa svojim porodicama uživaju u ovoj oazi mira. Međutim, posjetoci dolaze i iz cijelog svijeta, kako bi uživali u sadržajima, sajmovima i koncertnim manifestacijama. Park Ravne 2 je u protekle četiri godine domaćin sajmovima i koncertnim manifestacijama. U skladu s tim se iz godine u godinu drastično povećava broj posjetilaca samog parka, ne uzimajući u obzir ostale lokacije u sklopu našeg projekta. U 2018. godini smo u parku ugostili 20.000 ljudi, u 2019. godini se taj broj uduplao – 40.000 ljudi, dok u 2020. godini očekujemo da se ovaj pozitivan trend porasta posjetilca nastavi.


Općina Visoko je jedina turistička općina u Zeničko-dobojskom kantonu. Park 'Ravne 2' je najprivlačnija destinacija za mnoge građane Visokog, bh. dijasporu i strane goste.



Obilazak parka, parking, korištenje instalacija i toaleta, posjeta manifestacijama i sajmovima je za sve goste u potpunosti besplatna. Međutim, od 2020. godine ponuda u parku Ravne 2 je proširena, te svojim posjetiocima nudimo tri ture u pratnji zvaničnog vodiča Fondacije:

1. Tura parkom Ravne 2, sve instalacije: Pojačivač aure, skulptura „Ona“, Labirint energije, Piramidalna mašina za teleportaciju, Zagrli drvo, Labirint pročišćenja, Diši kao drvo, Zelena kristalna piramida, Botanička bašta, Labirint ljubavi
2. Arheološka tura: Posjeta tunelu „Ravne 3“, posjeta tunelu „Ravne 4“, izložba artifakata iz tunela „Ravne 3“, Zelena Kristalna piramida i Orgonska komora
3. Meditacijska tura: meditacija u Zelenoj kristalnoj piramidi, meditacija u Orgonskoj komori, hodajuća meditacija u Labirintu ljubavi

Cijena svake ture je 5,00 KM po osobi,



Događanja u parku Ravne 2

Na godišnjem nivou, park Ravne 2 nudi mnogo programskih sadržaja: proljetni i jesenski nedjeljni koncerti, koncert i sajam povodom proljetne i jesenske ravnodnevnice, festival i sajam povodom ljetnog solsticija, radionice, prezentacije, predavanja, yoga seminari, team building aktivnosti.

U periodu 18. juni – 21. juni 2019. (četvrtak-nedjelja), Fondacija organizira Festival i sajam povodom početka ljeta. Planiramo ugostiti regionalne superzvijezde, koje će napraviti vrhunsku atmosferu i uveseliti auditorijum koji dolazi iz svih dijelova svijeta. Očekuje se nastup superzvijezda među kojima su i Severina, Goran Karan, Danijela Martinović, Tijana Dapčević, Goca Tržan i drugi. Pored toga, kao i svake godine, planiramo ugostiti različite strane i domaće performere kao zabavne predgrupe i vođe grupnih meditacija. Sajamski dio programa predstavlja ponudu preko 70 izlagača iz oblasti organske proizvodnje, meda i pčelinjih proizvoda, kućne radinosti, te kristala i minerala.



Dobro nam došli!

Kontakt:

Piramidasunca.ba

incoming@piramidasunca.ba

azra@piramidasunca.ba

+387 33 259 935

